



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. D. Magistri Petri Lombardi Novariensis Episcopi  
Parisiensis. Sententiarvm Libri IV. quibus vniuersæ  
Theologiæ summa continetur**

**Petrus <Lombardus>**

**Mogvntiæ, 1632**

Vtrum minima animalia tunc creata fuerunt. D

**urn:nbn:de:hbz:466:1-38829**



meridiana hora, vel quælibet hora. Hæc quarta die facta sunt.

DE OPERE QVINTÆ DIEI, QVAN-  
do creauit Deus ex aquis volatilia &  
natatilia.

## DISTINCT. XV.

A

DIXIT Etiam Deus, Producant aque reptile a-  
nimæ viuentis, & volatile super terram, &c.  
Opus quintæ diei est formatio piscium & auium,  
quibus duo elementa ornantur: & de eadem ma-  
teria, id est, de aquis, pisces & aues creauit: vola-  
tilia leuās in aera, & natatilia remittens gurgiti.

*De produ-  
ctione rerum  
mixta: um  
sententia-  
rum fide-  
lium.*

*De opere sextæ diei quando creata sunt animalia  
& reptilia terra.*

B

Sequitur, Dixit Deus, Producat terra animam  
viuentem, iumenta & reptilia, & bestias terræ se-  
cundum species suas, &c. Sextæ diei opus describi-  
tur, cum terra suis animalibus ornari dicitur.

*Vtrum post peccatum venenosa animalia noxia facta fue-  
rint, an propter peccatum nocere cœperint,  
prius facta innoxia.*

C

QVæri solet de venenosis & perniciosis animã-  
tibus, vtrum post peccatum hominis ad vindictã  
creata sint, an prius creata innoxia peccatoribus  
nocere cœperint? Sane dici potest, quod creata ni-  
hil homini nocuissent si non peccasset: puni endo-  
rum nanq; vitiorum & terrendorum, vel probã-  
de vel perficiendæ virtutis causa nocere cœperunt.  
Fuerunt ergo creata innoxia, sed propter pecca-  
tum facta sunt noxia.

*Aug. lib. de  
Gen ad li-  
teram 3. ca.  
15. in princ.*

*Vtrum minuta animalia tunc creata fuerint.*

D

DE quibusdam etiam minutis animantibus q̄  
stio est, Vtrum in primis cõditionib<sup>9</sup> creata sint,  
an ex reb<sup>9</sup> corruptis postea orta sint? Pleraq; n. de  
humidorũ corporum vitiis, vel exhalationib. ter-  
re, siue cadauerib<sup>9</sup> gignuntur: quædam etiam de

*Aug. li. 3. de  
Gen. ad li-  
teram in  
princ. 6*

Z 2 corru-



corruptione lignorum & herbarum & fructuum  
& Deus auctor omnium est. Pōt autem dici, q̄ ea  
quę de corporibus animalium, maxime mortuo-  
rum, nascuntur, eum animalibus creata non fue-  
rint, nisi potētialiter & materialiter. Ea vero, quę  
ex terra, vel ex aquis nascuntur, vel ex eis, quę ter-  
ra germinante orta sunt, tunc creata fuisse, non  
incongrue dici potest.

*Quare post omnia factus est homo.*

*Genes. 1. 6*

Omnibus autem creatis atq̄ dispositis nouissi-  
mè factus est homo, tanq̄ Dominus & possessor, q̄  
& omnib⁹ præferēdus erat. Vnde sequitur: Vidit  
Deus q̄ esset bonum, & ait: Faciamus hominem  
ad imaginē, &c. Sed antequam de hominis crea-  
tione tractem⁹, q̄ supra breuiter tetigimus, pleni⁹  
versantes clarius faciamus. In hac n. rerum distin-  
ctione catholici tractatores dissentire, vt supra  
diximus, inueniuntur: aliis dicentibus res creatas  
atq̄ distinctas secundum species per interualla sex  
dierum: quorum sententię quia litera Gen. ma-  
gis inseruire videtur, atque catholica Ecclesia ma-  
gis approbat, ideo hætenus studiose docuimus,  
quomodo ex illa communi materia prius infor-  
miter facta, postea corporalium rerum genera p̄  
sex dierum volumina distinctim sint formata. Al-  
liis autē videtur, q̄ nō p̄ interualla temporum fa-  
cta sint, sed simul ita formata, ad esse prodierunt.  
Quod August. super Genes. pluribus modis niti-  
tur ostendere, dicens: elementa quatuor ita for-  
mata sicut modo apparent, ab initio extitisse, &  
cælum syderibus ornatum fuisse. Quædam verò  
non formaliter, sed materialiter tunc facta fuisse,  
q̄ post p̄ tēporis accessum formaliter distincta sūt:  
vt herbę, arbores, & forte animalia. Omnia ergò  
in ipso temporis initio facta esse dicunt: sed quę-  
dam formaliter, & secundum species quas habere  
cernim⁹, vt maiores mundi partes: quædam verò

*\* Libro 4.*

*Aug. ca 34.  
ad princip.  
de Genesi  
ad literam.*

mate-